



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za potpisivanje
Memoranduma o saradnji između Grada Sarajeva i Svjetskog saveza dijaspore
Bosne i Hercegovine
(Nacrt)

Predlagač: Gradonačelnica
Obradivač: Stručna služba gradonačelnice
Grada Sarajeva

Sarajevo, mart 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. i člana 87. Statuta Grada Sarajeva (Službene novine Kantona Sarajevo, broj 34/08 – Prečišćeni tekst), a u vezi s članom 140. Poslovnika Gradskog vijeća Grada Sarajeva (Službene novine Kantona Sarajevo, broj 28/09), Gradsko vijeće Grada Sarajeva, na ___ sjednici održanoj __.__.2022. godine, donijelo je:

(Nacrt)

**Odluku
o davanju saglasnosti gradonačelnici Grada Sarajeva za potpisivanje
Memoranduma o saradnji između Grada Sarajeva i Svjetskog saveza dijaspore
Bosne i Hercegovine**

Član 1.

Ovom Odlukom uspostavlja se saradnja između Grada Sarajeva i Svjetskog saveza dijaspore Bosne i Hercegovine.

Član 2.

Saradnja iz člana 1. Odluke, uspostavlja se potpisivanjem Memoranduma o saradnji između Grada Sarajeva i Svjetskog saveza dijaspore Bosne i Hercegovine, čiji je tekst sastavni dio Odluke.

Član 3.

Gradonačelnica Grada Sarajeva ovlaštena je da u ime Grada Sarajeva potpiše Memorandum po stupanju na snagu ove odluke.

Član 4.

Ova Odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. i članu 87. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojima je propisano da Gradsko vijeće donosi odluke, druge propise i opće akte i daje njihovo tumačenje, odnosno da Grad Sarajevo može pristupati međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom, te da odluku o pristupanju udruženjima, odnosno ostvarivanju saradnje donosi Gradsko vijeće, kao i u članu 140. Poslovnika Gradskog vijeća Grada Sarajeva (Službene novine Kantona Sarajevo, broj 28/09) kojim je propisano da gradonačelnik za ugovore iz oblasti međunarodne saradnje mora pribaviti saglasnost Gradskog vijeća, u skladu s Ustavom, zakonom i Statutom.

RAZLOZI DONOŠENJA

U skladu sa Programom saradnje sa dijasporom, broj 01-GV-02-1781/21 od 29.12.2021. godine, predviđeno je uspostavljanje saradnje sa Svjetskim savezom dijaspore Bosne i Hercegovine, kao krovnom organizacijom, koja uvezuje i koordinira rad bosanskohercegovačkih udruženja, asocijacija, klubova i nevladinih organizacija koje svoje sjedište imaju u Australiji, Austriji, Danskoj, Hrvatskoj, Italiji, Kanadi, Nizozemskoj, Norveškoj, Njemačkoj, Sloveniji, Švedskoj, Švicarskoj, Velikoj Britaniji i Turskoj.

Grad Sarajevo će u koordinaciji sa Svjetskim savezom dijaspore Bosne i Hercegovine, te lokalnim partnerima, kao što su Sarajevska regionalna razvojna agencija (SERDA), Udruženje „Naša perspektiva“ Sarajevo, Ministarstvo za ljudska prava i izbjeglice, započeti program saradnje sa bosanskohercegovačkom dijasporom u cilju privlačenja investicija i prijenosa znanja i tehnologija u svrhu razvoja lokalnih zajednica i Bosne i Hercegovine u cjelini.

Osnovni zadaci su promocija Bosne i Hercegovine i njenog glavnog grada kao investicione i turističke destinacije, ostvarenje kontakta sa potencijalnim investitorima iz dijaspore i njihovo povezivanje sa projektnim partnerima i privrednicima iz Bosne i Hercegovine, kreiranje platforme koja će dijaspori pružati usluge i olakšati proces investicija i formiranje baze projektnih ideja kako bi se što bolje usmjerile investicije u konkretne projekte.

FINANSIJSKA SREDSTAVA

Finansijska sredstva za realizaciju ove Odluke osigurana su u Budžetu Grada Sarajeva za 2022. godinu.



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

**MEMORANDUM O SARADNJI
IZMEĐU GRADA SARAJEVA I
SVJETSKOG SAVEZA DIJASPORE BOSNE I HERCEGOVINE
(Nacrt)**

Predlagač: Gradonačelnica
Obrađivač: Stručna služba gradonačelnice
Grada Sarajeva

Sarajevo, mart 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



**MEMORANDUM O SARADNJI
IZMEĐU GRADA SARAJEVA I
SVJETSKOG SAVEZA DIJASPORE BOSNE I HERCEGOVINE**

Ovaj Memorandum o saradnji (u daljnjem tekst „Memorandum“) zaključuje se između Grada Sarajeva (Bosna i Hercegovina) (u daljnjem tekstu „Grad“) i Svjetskog saveza dijaspore Bosne i Hercegovine sa sjedištem u Izmiru (Republika Turska) (u daljnjem tekstu „SSDBIH“). Grad i SSDBIH se u daljnjem tekstu pojedinačno nazivaju „Strana“, a zajednički se nazivaju „Strane“.

BUDUĆI DA je SSDBIH krovna organizacija, koja ima cilj da uvezuje i koordinira rad udruženja, klubova i mnogobrojnih nevladinih organizacija (NVO) širom svijeta;

BUDUĆI DA je Gradu u interesu promocija Bosne i Hercegovine i njenog glavnog grada kao investicione i turističke destinacije te prezentacija projekata stranim investitorima sa kojima SSDBIH ostvaruje kontakte;

BUDUĆI DA postoji obostrani interes za uspostavljanje saradnje u različitim oblastima od zajedničkog interesa, strane su izrazile želju za formaliziranjem saradnje, kako slijedi:

Član 1.

Zajednička promocija grada Sarajeva kao investicione i turističke destinacije; prezentacija projekata Grada stranim investitorima sa kojima SSDBIH ostvaruje kontakte; medijska promocija u inostranstvu.

Član 2.

Učestvovanje Grada u sastancima Glavnog odbora SSDBIH, u stvaranju mreže sa udruženjima i organizacijama dijaspore Bosne i Hercegovine u inostranstvu te u njenom radu.

Član 3.

Strane će poduzimati zajedničke aktivnosti na jačanju privredne, obrazovne, naučne, kulturne i sportske saradnje. Predlagat će zajedničke projekte, nosioce projekata i rokove realizacije.

Član 4.

Strane će organizovati konferencije, okrugle stolove, sajmove, festivale, izložbe, susrete biznismena BiH i dijaspore BiH, poslovnih žena BiH i dijaspore BiH, mladih BiH i dijaspore BiH.

Član 5.

Strane će organizovati prezentacije investicionih projekata.

Član 6.

Strane će organizovati susrete umjetnika i kulturnih radnika u cilju očuvanja kulture, kulturnog identiteta i naslijeđa, kroz predstavljanje bosanskohercegovačkih kulturnih stvaraoca (književnost, teatar, film, muzika, slikarstvo, muzejski i arhivski eksponati, itd.).

Član 7.

Strane će organizovati manifestaciju „Dani dijaspore u Sarajevu/Bosni i Hercegovini“ sa određenom tematikom.

Ovaj Sporazum se sklapa na neodređeno vrijeme i stupa na snagu danom njegovog potpisivanja.

Memorandum je sačinjen u 2 (dva) primjerka od kojih svaka strana Potpisnica Memoranduma zadržava po 1 (jedan) primjerak.

GRAD SARAJEVO

Benamina Karić
Gradonačelnica

SVJETSKI SAVEZ DIJASPORE
BOSNE I HERCEGOVINE

Hasan Šehović
Predsjednik

Sarajevo,
Broj: